



Број : 01-01-26-346-1-I/10  
Sarajevo, 21.06 .2010. godine

Na osnovu člana 25.stav (1) tačka f) Zakona o konkurenciji („Službeni glasnik BiH“ br. 48/05, 76/07 i 80/09), a po Zahtjevu privrednog subjekta Društvo za ekonomski, finansijski i pravni konsalting ASA FINANCE d.d. Sarajevo, Bulevar Meše Selimovića 16, 71 000 Sarajevo, zaprimljenog od strane Konkurencijskog vijeća dana 10.05.2010. godine, pod brojem: 01-01-26-346-I/10, Konkurencijsko vijeće je na 106.(stošestoj) sjednici održanoj dana 14.06.2010.godine donijelo,

## **MIŠLJENJE**

Privredni subjekt Društvo za ekonomski, finansijski i pravni konsalting ASA FINANCE d.d. Sarajevo, Bulevar Meše Selimovića 16, 71 000 Sarajevo (U daljem tekstu: Podnosilac zahtjeva ili ASA FINANCE), podnio je Zahtjev za davanje mišljenja ( u daljem tekstu: Zahtjev), primljen dana 10.05.2010.godine pod brojem: 01-01-26-346-I/10.

Podnosilac zahtjeva traži mišljenje u vezi postojanja obaveze podnošenja prijave koncentracije u slučaju kupovine (\*) % kapitala Fima banke d.d. Sarajevo, Kolodvorska 5, 71 000 Sarajevo ( u daljem tekstu:Fima banka).

U Zahtjevu je navedeno da skupština emitenata Fima banke namjerava pristupiti provođenju Odluke o povećanju kapitala emisijom novih dionica i time povećati kapitala za (\*)<sup>1</sup> %. Dionice zatvorenom emisijom namjeravaju prodati strateškim partnerima i to Društvo za ekonomski, finansijski i pravni konsalting ASA FINANCE d.d. Sarajevo , Bulevar Meše Selimovića 16, 71 000 Sarajevo i Zatvorenom investicionom fondu sa javnom ponudom prevent INVEST d.d. Sarajevo, Bulevar Meše Selimovića 16, 71 000 Sarajevo, koja su dio ASA Grupacije.

Ukupan godišnji prihod Fima banke u godini koja predhodi koncentraciji je (\*)KM. Tržišno učešće Fima banke u bankarskom sistemu je Federacije BiH iznosi (\*)%.

ASA FINANCE namjerava donijeti Odluku o dokapitalizaciji banke, čime će steći (\*)% osnovnog kapitala emitenta Fima banke d.d Sarajevo. Osnivač i (\*) vlasnik ASA FINANCE je

---

<sup>1</sup> (\*) podaci predstavljaju poslovnu tajnu

„ASA HOLDING“ d.o.o Sarajevo, Bulevar Meše Selimovića 16, 71 000 Sarajevo. ASA FINANCE u trenutku podnošenja Zahtjeva ima (\*) vlasništva u ZIF prevent INVEST. Ukupan godišnji prihod u godini koja je prethodila koncentraciji ASA FINANCE je (\*)KM

Zatvoreni investicioni fondu sa javnom ponudom ZIF prevent INVEST d.d.Sarajevo namjerava donijeti Odluku o dokapitalizaciji banke, čime će steći (\*) % osnovnog kapitala emitenta Fima banke d.d Sarajevo. Ukupan godišnji prihod ZIF prevent INVEST u godini koja je prethodila koncentraciji iznosi (\*)KM.

Prema članu 14. stav (1) tačka b) Zakona o konkurenciji obaveza podnošenja prijave namjere koncentracije postoji za privredne subjekte – učesnike koncentracije ako ukupan godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM u godini koja je prethodila koncentraciji ili ako je njihovo zajedničko tržišno učešće na relevantnom tržištu veće od 40 %.

Ukupan godišnji prihod obuhvaća poslovne prihode, finansijske prihode i vanredne prihode nakon odbijenog poreza na dodatnu vrijednost i drugih poreza koji se direktno odnose na promet i rabat. U skladu sa navedenim, ukoliko ukupan godišnji prihod ASA GRUPACIJE i Fima banke na tržištu Bosne i Hercegovine u 2009.godine iznosi najmanje po 8.000.000,00 KM ili ako je njihovo zajedničko tržišno učešće na relevantnom tržištu Bosne i Hercegovine u 2009.godini veće od 40% smatra se da postoji obaveza podnošenja prijave namjere koncentracije u skladu sa Zakonom o konkurenciji i Odluke o načinu podnošenja prijave i kriterijumima za ocjenu koncentracija privrednih subjekata.

Ovo Mišljenje je dato isključivo na osnovu podataka navedenih u Zahtjevu, te ukoliko dati podatci odstupaju od stvarnog činjeničnog stanja ovo Mišljenje se ne može primjeniti.

Predsjednik

dr Stjepo Pranjić

Dostavljeno:

- „ASA FINANCE“ d.d. Sarajevo
- a/a